

آبونه شرائطی : هریر ایچون
سنه لکی (۴۰۰) آلتی آیلنی
(۲۲۵) ممالک اجنبیه ایچون
سنه لکی (۴۵۰) ، آلتی آیلنی
(۲۵۰) غروشدور .

نسخه سی ۷,۵ غروشدور .
سنه لکی ۵۰ عددور .

اداره خانه : باب عالی جاده سنده
رشید افندی خاندن

اخطارات

آبونه بدلی پشیندر .

مسلكه موافق آثار مع الممنونیه
قبول اولتور . درج ایدله یین
یازیلر اعاده اولتماز .

والله یهدی من یشاء الی صراط مستقیم

باش محرر
محمد عاکف

صاحب و مدیر
اشرف ادیب

تبعون اهدکم سبیل الرشاد

تذکره

آدره من تبدیلنده آیریجه
• غروش کوندرملیدر .

مکتوبلرک امضاری واضح
واوقوناقلی اولسی و آبونه
صره نومروسینی محتوی
بولونسی لازمدر

ممالک اجنبیه ایچون آبونه
اولانلرک آدرس لرینک
فرانسزجه یازلسی رجا اولتور .

پاره کوندردلیکی زمان نهیه
داثر اولدینی بیلدیرلسی
رجا اولتور

* پنجشنبه *

۲۰ کانون اول ۱۳۳۹

۱۲ جمادی الاولی ۱۳۴۲

عدد ۵۸۰

جلد ۲۳

مؤلفان ایکدمه برده اونک سوزلریله استشهاد و بوابده کی ایستاتستیکلری ایله مباحث سائره سنی سند اتخاذا ایدر طورورلر .

الحاصل ذکای انسانینک منشأی و مصدر تفاوتی حقنمه علما ایله اطبا بالاده سرد ایتدیکمز درلو درلو مذهبله آیرلدیلر. هر برینک لهنده ده، علیهنده ده او قدر دلیللر وارد که بودلیللردن هیچ برینک انسانه حقیقت بودر دییه اطمینان و یقین بخش اتمک صلاحیتی حائر اولمادینی قولایجه تین ایدر . آنجق شسو وارکه بو دلیللرک بزجه الک چوروکی ذکا ایله دماغک قلعی پیننده مطرداً تلازم بولوندیغنه قائل اولان نظریه در . زیزا فلسفه ده، شعرده، ادبیاتده، طبیعیاتده ایلری کیدنلرک بر چوغنده دماغک وزنی قادین دماغندن دهاخفیف اولدینی استقراء کافی ایله ثبوت بولمشدردر . [۱] ایشک الک لطیفی بو نظریه نک صاحب ویا مدافعی اولان المان دو قنوری « پیشوف » ک دماغی و فاندن صوکره طاریتیلار قادینلرک دماغندن دها خفیف چیقدی . کذلک دقیق استقرالره ثابت اولدی که بعض معتوه و مجنون قادینلرک دماغی الک آغیریلینن قادین دماغلرندن آغیر کلیور . حتی یالکمز عالم نسوانده کی دماغلرک وزن و حجملری بکدیگره قیاس ایدنجه کورولمش که فرانسه، انگلتره کی مرقی مملکتلرده یاشایان قادینلرک دماغی آوسترالیا ایله آمریکا و حشیلرلنده کی قادین دماغلرندن دها خفیف و حجملری دها آزدر . برده انسانک دماغی ایله جسمنک وزنی پیننده کی نسبت بویوک ایسه ده بونسیت انسانده - طیور کی - کوچوک حیواناتده کی نسبتدن دها بویوک دکلدر .

مسائلقه افراق زوجین

۲

مع هذا برار ککک لزومسزیر طلاقه توسل ایتمنی موافق اولمادینی کی بر قادینک ده بلا لزوم زوجندن طلاقنی طلب ایتمنی ، عهده نکاحدن خلاص ایچون چاره آراماسی اصلا قرین صواب اولماز . « هانکی قادین که بر ضرورته ، بر سبب مشروعه مستند اولقسزین زوجندن طلاقنی طلب ایدرسه آکا جنت رایجه بی خرامدر . مآلنده بولونان (ایما امرأة شلت من زوجها طلاقاً فی غیر بأس فحرام علیها رایحه الجنة) حدیث شریفی بویله بر حرکتک نه قدر مذموم اولدینی ارئه ایدر .

اصمهی دیورکه : بن بادیه ده براعرا بیه تصادف ایتدم که کندیس قادینلرک الک کوزلی اولدینی حالده زوجی اونسبتده چیرکین ایدی . بوملک کی قادین زوجنه دیوردی که « سنی تبشیر ایدرم ، ایکیمزده

[۱] Encyclopedie Britannica به مراجعت .

جنتلکمز، چونکه بن سنک حسن جمالدن محرومیتکه مبتلا اولدینم حالده صبر ایدیورم ، صابرلرک یری ایسه جنتدر . سنده بنم حسن جماله نائلینکدن طولانی شکر ایدیورسین ، شا کرلرک یری ده جنتدر . ا. الحاصل بر ضرورت تحقیق ایتدیکمه طلاقدن اجتناب ایدیلر سی عقلاً ، شرعاً لازمدر . ابو داود ایله ابن ماجه دن مروی اولان : (ان بغض المباحات عند الله الطلاق) حدیث شریفی طلاقک بغض المباحات اولدینم ناطقدر . « زوج ایدیکمز ، فقط تطلیق ایتدیکمز ، چونکه طلاق او یله بر شسیدر که اوندن عرش رحمان تتر » مآلنده بولونان (تزوجوا ولا تطلقوا فان الطلاق یهتز منه العرش) حدیث شریفی ده طلاقک نه قدر مشوم ، لازم الاجتناب برشی اولدینم شاهددر .

* *

طریق اتناج ایدر احوال اجتماعیه :

غیبا نظر اسلامده طلاق بوقدر مذموم اولدینی حالده نه دن مسلمانلر آره سنده ینه بر جوق طلاق حادثه لری میدانه کلیور ، بویوزدن بریجه عائله لر پریشان اولیور ؟ . بوابده وهله خاطره کلن اسباب شونلردر :

- ۱ - عقد نکاحدن اول کفایت جهنک تحری ایدلمه سی .
- ۲ - زوجینک کوزل بر تهذیب و تربیه نائل بولونمامه لری .
- ۳ - عنداللزوم زوجینک آره لرینی اصلاحه ، کندیلرینی نصایح حکیمانه اجراسیله ارشاده همت ایدیلر سی .
- ۴ - اسباب معیشتک نقصانیله برابر زوجینک صبر و قناعت کی مزایادن محروم بولونمالری .

۵ - زوجیندن برینک و یا هر ایکسنک عفته ، نراحتله قابل تألیف اولمایان حالاتدن توقی ایتمنی .

۶ - زوجک قمار کی ، عشرت کی منیاتدن کندیسنی آلاماسی ایشه بوسایدینمز شیردن هر بری مؤسسه ازدواجدن بکله نیلن منافع و مصالحک حصوله مانع وجوق کره نکاحک طلاق ایله نتیجه لمنسه بادی اولقده در .

* *

طریق کثرت وقوعه مانع اولاجی تمایز اخلاقی و اجتماعیه :

کثرت طلاقه سبب ویرن احوال اجتماعیه بوجه معروض معلوم اولدقن صوکره بوکامانع اولاجق تدابیر ، طبیعیه تعین ایتمش دیمکدر . فقط مسئله نک اهمیتنه بناء بر آزا ایضاحانه لزوم کوریورم :

- ۱ - طرفین قبل النکاح کفایت جهته اعتنائیمه لیدرلر . کفایت زوج ایله زوجنه نک نسب ، دیانت (صلاح حال) ، ثروت ، حرفت کی خصوصیاتده بری برینه نمائل و مساوی اولماسی ویا بوکی اوصافده زوجک زوجدن دها یوکسک ، دها شرفلی بر موقعده بولونماسی در .

والحاصل تأهل ایدہ جک کیمسہ لک اول امرده کفائت جہتی کوزلہ آراشدیرمہ لری ایجاب ایدر .

۲ — مانہ تشکیکنہ نامزد اولان کنجلرہ کوزلہ برتہذیب و تربیہ ویرمیدر . کرک جمعیتلرک و کرک جمعیتلرک منشأ اولان مانہ لک انتظامی ، مسعودیتی آنجاق بوتہذیب و تربیہ سایہ سندہ تجلیسازاولور . برملکتک حقوق ، جزایہ و سائر خصوصانہ متعلق اولان قانونلری نہ قدر عادلانہ ، حکمتپروانہ بر صورتہ وضع ایدلمش اولورسہ اولسون اوملکتک افرادی کوزلہ برتہذیب و تربیہ نائل اولمادجہ بوقانونلردن بیوک بر فائدہ بکلمہ ملیدر . بناءً علیہ ہیئت اجتماعیہ مزک انتظامی ، سعادت ، برطاقیم کالات مدنیہ و انسانیہ دن بحق رایہ دار اولماسی آرزو ایدیور ایسک ہرشدن اول مملکت مزده دینی ، اخلاقی کوزلہ برتہذیب و تربیہ نک انکشافی تأمینہ جالیشمالی بز .

بوکی برتہذیب و تربیہ دن محروم اولانلر نہ حقوق عمومیہ رعایت ایدہ بیلیرلر ، نہ دہ زوجیتہ عائد حقوق و وظائفی ایفایہ قادر اولابیلیرلر . معلومدرکہ جمعیت حالندہ یاشایان انسانلرک انتظام حیاتی ، بقای موجودیتی برطاقیم متقابل وظائفک ایفاسنہ مربوطدر . بو وظائف اساساً ایکی قسمہ آیریلیر ، بر قسمی وظائف حقوقیہ درکہ ہر حالہ ایفای مجبوریدر . بونک شرعی ، قانونی برطاقیم مؤیدہ لری وارددر . بووظیفہ لہ عدم رعایت ، مسئولیتی مستلزم اولور . دیگر قسمی ایسہ وظائف اخلاقیہ درکہ بونک ایفای ہر حالہ مجبوری دکادر . بو قسم وظائف عدم رعایت ، تعزیرات شرعیہ ، مداخلہ قانونیہ مستلزم اولماز . شو قدر وارکہ عدم رعایت ، شرعاً مذموم ، نظر عامہ دہ مقدوح اولدیفندن صاحبی خصائل انسانیہ دن محروم عد اولونور .

ایشتہ بر منظومہ اجتماعیہ آرسندہ جریان ایدن بوایکی قسم وظائفک اک بویوک تجلیکامی زوج ایلہ زوجہ دہ مثلاً : زوج ایچون زوجہ سنک مهرنی ویرمک ، نفقہ سی تدارک ایتک ؛ زوجہ ایچون دہ — بر مانع شرعی بولونمادجہ — زوجک خانہ سنہ کیتک ، زوجک مشروع اولان امرلرینہ اطاعت ایتک بووظیفہ حقوقیہ در ، زوجین بووظیفہ لری ایفایہ شرعاً و قانوناً مجبوردرلر .

بالعکس زوجک زوجہ سنہ قارشی پک نواز شکار بولونماسی ، رفیقہ سی کنندی سفرہ سنہ آلماسی ، زوجہ نک دہ بیہ جک لری طعامی پیشیروب حاضر لاماسی ، چو جو غنی امریرمہ سی بر روظیفہ اخلاقیہ در . زوجین بووظیفہ لری ایفایہ حکماً مجبور دکادر . فقط زوجینک علویت فطریہ سی ، صفوت وجدانیہ سی آنجاق بو وظائف اخلاقیہ رعایتلری حائزہ متجلی اولور .

اومت . وظائف حقوقیہ رعایت مجبوری اولدیفندن بونلرک ایفای او قدر مزیت عد اولونماز . اصل مزیت ذاتیہ ، فضیلت

معلومدرکہ نظر اسلامدہ انسانلر بر اصلدن منشعب ، یکدیگریہ حقوقاً مساویدرلر . انسانلرک یکدیگریہ تفوقی یا لکیز زہد و تقوی جہتیلہ در ، علم و فضیلت اعتباریلہ در . یوقسہ سائر خصوصاتدن طولایی آردلرندہ بر ممتازیت جاری دکادر .

بویلہ اولمقلہ برابر نکاحدہ کفائت آرانیماسی بر مصلحت اجتماعیہ مستنددر . نکاحدن منتظر اولان فواند و مصالحک تجلیسی تأمین حکمت شرعیہ سنہ معطوفدر .

معتبرات فقہیہ مزدن (فتح القدیر) دہ دینلیورکہ : نکاحک مشروعیتدن مقصد ؛ زوجینہ عائد اولان مصالحک مادام الحیات بر انتظام دائرہ سندہ جریان ایتسیدر . بو سایہ دہ صہریت تأسیس ایدر ، اجابدن اولانلر ییتندہ بر قرابت و مصاہرت حصولہ کلیر ، بونلر بری برینک سروریلہ مسرورہ ، کدریلہ مکدر اولورلر . فقط بوکی احوال ، آردلرندہ مصاہرت حصولہ کلن کیمسہ لک یکدیگریہ نمائل و متقارب بولونمالری تقدیرندہ تحقق ایدر ؛ یینلرندہ اوصاف و انساجہ مباعدت اولان نفوس بشریہ آرسندہ ایسہ مقارنت و موانست وجودہ کلہ مز .

فی الحقیقہ احوال روحیہ بشریہ بی تدقیق ایدنلر جہ ثابتدرکہ بین الناس حسب ونسبک ، دیانت و فضیلتک ، ثروت و حرثک براہیت مخصوصہ سی وارددر ، بونلر مفاخر عالیہ دن معدوددر . بناءً علیہ یکدیگریلہ مصاہرت تأسیس ایدن کیمسہ لر آرسندہ بوکی خصوصاتدہ بر مماثلت و مجانستک وجودینہ لزوم وارددر . هیچ بر فرد کنندیسک اقران و امثالندن اولمایان کیمسہ لریلہ کوزلہ استیناس و امتزاج ایدہ مز ، (اضیق السجون معاشرۃ الاضداد) قول حکیمانہ سی مشہوردر . ایشتہ بشریتی مفطور بولوندینی بوکی حالات روحیہ دن بوسبتون تجرید ایتک قابل اولمادیفندن کفائت جہتہ ممکن مرتبہ رعایت ایتک لازم کلیر .

حال بوکہ زمانزدہ بوجہتہ دقت ایدلیور . ہلہ کوزلہ برتہذیبہ نائل اولامایان بر قسم کنجلر آرسندہ بر نظرہ عاشقانہ نک انعطافی ہان برکاشانہ ازدواج تأسیسنہ کفایت ایدیور ؛ صوکرہ دہ اک خفیف بر روزکارک تموجاتی بواشیانہ سعادت ہوادہ یاراغہ دوندیروب کیدیور . اومت . چوق کرہ تجربہ سبز بر قیز جغز نظرہ ہوسانہ چاربان بر کنج ایلہ در حال عقد ازدواجہ موافقت ایدیور ؛ حال بوکہ بارلاق کوردیکی کنجک پک سونوک بر حیات سفیانہ ایچندہ یاشادیغہ بالاخرہ مطلع اولارق یادیغہ ندامت ایدیور ، رابطہ ازدواجی قطع ایچون ہر تورلو چارہ لہ باش ووروب طورییور . ینہ چوق کرہ عاقبت اندیش اولمایان بر کنج نورسیدہ بر قیزک ملاحت جمالہ مفتون اولیور ، آنک کلک لکری یالیزی کورینن ظاہر حالہ باقیوردہ آنی حرم عصمتہ آلق ایچون ہر تورلو فداکارلقدہ بولونیور ، حیفا کہ آرزو کرہ بویالیزیلر زائل اولیور ، نودمیدہ قیزک سیرتی ، ماہیت اخلاقیہ سی اک چرکین بر صورتہ تظاہر ایلپور ، آرتق اسباب افتراقہ توسلدن باشقہ چارہ قلیور .

اخلاقہ اختیاریہ منوط اولان و ظائفک ایفاشی حالندہ تظاهر ایدر .
از جملہ برقادین ایچون یمک پیشیرمک ، البسه دیکمک ، اوینک نظافتہ
اعتا ایتک ، چاشیر بیقماق ، ثمرہ حیاتی اولان نوزادی امزیرمک
اولہ برر وظیفہ اخلاقیہ درکہ آنکچون بونلری ایفادن دها کوزل
برشرف اولاماز .

هیچ برقادین ثروت و سامانہ ، منسوب اولدینی عائله نک موقع
اجتماعیسنه باقارق بوکی کوزل وظیفہ لری ایفادن استکاف ایتہ میادر .
نبی طایشان اقدیمز علی المراضی ایله فاطمه لڑھرا پینندہ تقسیم
اعمالده بولونورق خارج بیتہ عائذوظائفی حضرت علی به امور بیتہ نک
حسن تمشیتندی حضرت فاطمه به تخصیص بویورمشلردی ؛ بوتون
مخدرات اسلامیہ نک سیدہ سی اولان حضرت فاطمه لڑھرا بووظیفہ لری
ایفادن امتناع بویورمادیلر .

فی الواقع زوجنک ویا ابونک ثروتی سایه سنده یمک پیشیرمک ،
چوجوغنی امزیرمک کی وظیفہ لری بالذات ایفادن مستغنی اولان
قادیلر بولوناییلر . فقط دوشونمه لیدرکہ شتون کونیه مختلف صورتده
ظهور ایدر ، طالعک غریب جلوہ لری وجوده کابر ، بوکون پک
زنکین اولان برشخص یارین پک فقیر دوشه بیلیر ، بوکون باشقه لری
استخدام ایدنلر یارین باشقه لری خدمت ایدہ جک بر حاله معروض
قالیلیرلر . آرتق اذواق حیاتیسنه طالبوده چالیشمنک لطیف لطیف
هوالریله تزئید شوق و شطارتہ چالیشمقدن ؛ وضعیت کبارانه سیله ،
تزینات هوا پرستانه سیله باشقه لری نک انظار دقتی جلب ایتمکدن باشقه
برشی دوشونمه نین خام قیزلر ایچون برآزده استقبالی دوشونمک ،
سعادت آتیه لری تأمین ایدہ بیله جک اسبابی احضاره چالیشمق لازم
کایر .

ابون ایچونده لازمدرکہ ایلریده برر خانه صاحبہ سی اولاجق
اولان قیزلری بوکی وظائف بیتہ یی حسن ایفا ایدہ بیله جک برطرزده
بتشدیروب تربیه ایتسینلر .

برحدیث نبویده : (من کان له ثلاث بنات فافق علیهن واحسن-
الیهن حق یغنی الله عنه اوجب الله له الحة الا ان یعمل عملاً لا یغفرله)
بویورلمشدر .

یعنی : « نائل اولدینی اوچ قیز اولادینه جناب الله آنلری کندیسندن
مستغنی ایدہ جکی زمانه قدر اتفاق واحسانده بولونان کیمسه ایچون
جناب حق جتنی واجب قیلیمشدر ، مکرکہ عفو ایدیلر جک بر عملده
بولونسون . »

بناء علیہ قیز اولادی حقندہ لطف واحسانده بولونایلدیر . آنلرک
حقندہ اک بویوک لطف واحسان ایسه کندیلرینه کوزل ، نزیه برترینه
ویرمکدن باشقه برشی دکلدیر .

۳- زوج ایله زوجہ آر سنده نزاع و شقاق آناری مشهور
اولدینی زمان بونلرک اقربا و اصدقا سی بوناسز احوالی از الیه چالیشمالیدرلر .
واقعا عائله حیاتنده بعضاً اوینونسزلق یوز کوستره بیلیر ؛ بعضاً
پک اهمیتسز برشی یوزندن زوجین بری بری ترک ایدہ جک قدر
برحدته معروض قالیلیرلر ؛ فقط بو حالده بونلرک اقرباسی ، اوداسی
ایچون ایجاب ایدرکہ حادہ یی کوزلجه تدقیق ایدرک موجب منافرت
اولان شینک از لہ سنه چالیشسینلر ، بونلرک آر سنده کی محبت و صمیمیتک
تکرار تجلیسنی تأمینہ غیرت ایتسینلر . ایلشته (وان خفتم شقاق بینهما .)
آیت جلایله سیده بزه بومهم وظیفہ یی اخطار ایتمکده در .

احکام فقہیہ مزہ نظراً زوجین پینندہ نزاع و شقاق ظهور ایدنجه
طرفین عائله لرندن بر ذات حکم تعیین اولونور . بونار موجب نزاع
اولان مسئله یی تدقیق و بونک از لہ سی نیه متوقف ایسه آنی تحری
ایدر و زوجین حقندہ لازم کان نصیحتلرده بولونورلر .

حکملرک وظیفہ لری اصلاح بینہ چالیشمقدن . بونلر بو امل ایله
چالیشیر ایلر حق تعالی حضرتلریده زوجینک پینلری تألیفه ،
عائله آر سنده حسن الفت و امتزاجک تکرار ظهورینه موفقیت احسان
بویورر .

حاصلی زوجینک اولیا و اقرباسی بونلرک پینندہ کی رابطه زوجیتک
دوامی تأمینہ غیرت ایتہ لیدرلر ، حق آر لرنده افتراق واقع اولدینی
تقدیرده دخی برمحذور شرعی موجود اولمادجه توسط ایدہ رک اعاء
زوجیتہ چالیشمالیدرلر . یوقسه انفعالات نفسانییه مغلوب اولوبده
بوکی برامرخیره توسطدن قاچنمق مناسب دکلدیر .

بعضاً کور دیلورکہ زوجین آر سنده حسبالبشریه عادی بر مسئله دن
طولای طلاق تحدث ایدیور ، متعاقباً بونلر اظهار ندامت ایدہ رک
تجدید نکاح آرزوسنده بولونوزلرده بونلرک ولیلری بوآرزوی مشروعه
مخالفت ایتک ایستور .

انوارالتنزیلده بیان اولوندینی اوزره (معقل بن یحار) قیزقارداشی
زوج مطلق ایله اعاده نکاحده بولونمقدن منع ایتشدی ، بونک اوزره
(فلا تعضلوهن ان ینکجهن ازواجهن اذا تراضوا بینهم بالمعروف) آیت
جلایله سی نازل اولمشدرکہ : « پینلرنده وجه شرعی اوزره تراضی حاصل
اولونجه مطلقه لری زوجلریله تجدید نکاحدن منع ایتہ یکز . » مألندہ در .

۴- زوجین ؛ اسباب معیشتک نقصانی حالندہ صبر و قناعت الدن
بیراقاملیدرلر . معلومدرکہ زوج زوجہ سنک نفقه سی تأمینہ وسائر
برقسم احتیاجات حیاتیہ سی تطمینہ مجبوردر . مادامکہ برقادین نفسی
زوجنک حریم عصمتنه تخصیص ایدیور ، آرتق آنک اسباب معیشتی
احضار ایتک بالضروره زوجنک عهده سنه ترتب ایدر . بوخصوصده
طرفینک حاللرینه ، موقع اجتماعلرینه باقیلیر ، ثروتلریله متناسب بر صورتده

مسکراته کنگه بوده بالجمله فضاح اجتماعیه نک مولدی اولدینی ایچون شریعت اسلامییه قطعیاً حرامدر . مسکرات ؛ ام الحباشدر . دائماً ظهورینه شاهد اولدیغمز جنایتلرک ، عائله وقوعاتنک ، اختلاف وافتراق حادثه لرینک بر چوغنی مجرد مسکرات یوزندندر . مسکرات ایله الفت ایدنلردن جمعیت بشریه بر خیر بکله مه ملیدر ، بالعکس بو کبی کیمسه لر هم کندی عائله لر ایچون ، هم ده بوتون بر هیئت اجتماعیه ایچون بک مضرعد ایدله لیدرلر . مایعات کتوله نک هر قطره سی بر سم قاندر . بوزهر سیالک مه لک اولان تأثیراتی ایر کچ کندی کوستر ؛ حیفا که بو زهرابه مذلتک احضار ایتدیکی مدهش نتیجه یالکنز عشرت پرستک شخصه منحصر قاناز . چوق کره آنک اولاد واحفادینه سرایت ایدر .

طیباً ثابتدر که اسیر عشرت اولان اشخاصک چوجوقلری بر چوق عال و امراضه مستعد و علی الاکثر صحت بدنیه دن محروم ، مختل الشعور بر حالده دنیا به کلیر .

بر سرخوش ؛ فاطر ذی قدرت طرقدن دماغه مودوع اولان جوهر عقلی پارچه لیور ، محو ایدیور ؛ بر منبع فیض و حکمت اولماسی اقتضا ایدن قوای سلیمه سی بر فواره چرکاب حاله کتیرمش اولیور . بر باده پرست ؛ ایچکینک سوء تأثیریه موازنه فکریه سی غائب ایدرک بر جنت موقیه طوتولور ؛ حیثیتی ، وقاری بایمال ایدرک هر کسک خنده استهزاسته هدف اولور ؛ دماغه هجوم ایدن قانک تضییقاتیه هذیانده بولوزر ؛ عیاشلغک روخنه اویاندیردینی بر امل سفیهانه سائقه سیله بر طاقم غیر مشروع حالاته محاسر اولور ؛ بونک نتیجه سنده بر عائله نک حیاتی بک حزین بر صورنده سوزر کیدر .

ایشته مسکراتک سبیت ویردیکی بو کبی دهانجه نجایع اجتماعیه یی نظر دفته آلان بر طاقم متمدن ملنلر بو کون مسکراتک منعی خصوصنده بک زیاده چالیشوب طوریبورلر .

علوتنی تقدیردن عاجز بولوندیغمز شریعت اسلامییه ایسه بشریت ایچون اک بویوک بر فلاکت اولان مسکراتی اون درت عصردن بریدر که صورت قطعیه به نحریم ایش ؛ وقاردن ، خردن و بو کبی مضر اعتیادادن اجتناب ایدیکنز که نائل فلاح اولاسکنز ، خطاب بلندیه منتسبلری ایقاظ وارشاد ایتکده بولونمشدر .

آرتق مسلمان بولونمق شرفی حائز اولالر ناصل اولورده بو کبی منہیاتی ارتکاب ایدرک هم مقدس دینلرینک احکام علویه سنه مخالفت ، هم ده منسوب اولدقلری جمعیتک ، عائله لرک تعالیه سنه سعادت حیاتیه سنه خیانت ایده ییلرلر ؛ والسلام علی من اتبع الهدی .

ملنی مجلس تدقیقات شرعیه اعضاستدن

عمر نصرمی

نفقه تدارک ایدیلیر . فقط بعضاً زوج احتیاجه دوچار اولور ، برطاقم حادثات کونیه نتیجه سنده ثروتی ، وارداتی الدن چیقارد ، عائله سنک معیشتنی دلخواهی وجهله تأمیندن عاجز برحاله کلیر . ایشته بویله بروضعیت قارشوسنده فرط تأثراته مغلوب اولوبده صبر وقناعی الدن بیراقق جائز اولماز . هله زوج ایچون لازمدر که بوحالده بک اصیلانه ، قاعتکارانه برحرکتده بولنسون ؛ مجرد مأکولات وملبوساننده کی نقصاندن ناشی زوجنی رنجیده خاطر ایدرک ، زوالی آدمک آلام قلبیه سی برقات دها آرتیره جق لاقیردیلمده بولونماسون .

مع مافیة وسعت معیشته نائل اولان عائله لرده اسرافاندن حذر ایتله لیدرلر . واقعا صاحب ثروت اولان بر شخصک افراد عائله سی ضیق معیشت ایچنده بیراققاسی جائز دکدر . فقط اسرافانه میدان ویرمک ، موجود ثروتی بهوده یره تلف ایتکده موافق اولماز . چونکه نافله یره صرف ایدیلان بر ثروت آتیا عائله ایچون موجب ندامت اولابیلیر [ماعال من اقتصد]

۵ — زوجیندن هربری عقیف ، تزیه برحیانه مالک اولمالیدر . برارکک شائبه تهمتدن خالی اولمالان لرله دوام ایدرسه ، برارکک افراد عائله سنک مدارحیاتی اولان قازانجی ، ثروتی مجرد کندی حظوظات نفسانیه سی اوغورنده صرف ایلرسه آنک رفیقه حیاتی کندیسی عقیف ، وظیفه شناس برزوجک دائره عصمتنده بولونمقله ناصل مباحی عد ایده ییلیر ؟

بالعکس برقادین فضیلت اخلاقیه اربابنک بولونامابه جقلری لرله کیدرسه ، برقادین جوهر پاره وجودینی برستره تراخته ستر ایتیوبده برطاقم هوا پرستانک تماشاگاه احتراصنه وضع ایدرسه آنک زوجی روحاً ، وجداناً ناصل مستریخ اولابیلیر ؟

ایشته اخلاق فاضله اصحابنجه صوک درجه مقدوخ اولان بو کبی چیرکین اطوار وحرکتندن بک زیاده قاجنالیدر که رابطه زوجیت انحلالدن مصون قالسون .

۶ — زوج ؛ قمارکبی ، عشرت کبی آهنگ اجتماعیه یی افساد ایدن منهیاتدن اجتناب ایتله لیدر . برکره قمار بر چوق محاذیر اجتماعیه یی مستلزم اولدینی جهتله شرع شریفده قطعیاً حرامدر ، بلاهت وسفاهت آتارندن معدوددر . قمار مبتلا اولانلر ثروتلری غیر مشروع برصورنده الدن چیقارلر ، بالطبع بونک مشوم بر نتیجه سی اولق اوزرده دائماً برحزن وکدر ایچنده یاشار ، بک فجیع برمنظره سفالت ارانه ایدرلر . بر قمارباز چولوق چوجوغنی اصلا دوشونه مز ؛ آنک فکری ، بوتون اشتغالات ذهنیه سی قماره مصروفدر . باخصوص قمار یوزندن غائب ایتدیکی ثروتنک آجیلرینی دائماً افراد عائله سندن چیقارمق ایستر . آرتق بویله بر عائله نک انتظامی بوزولمازی ؟ اسباب سعادت زائل اولمازی ؟